

欽定大清會典事例

欽定大清會典事例卷六百四十九

兵部

馬政 牧馬二

道光元年議准。直隸省各鎮協營。共餵養旗馬三千一百八十八匹。除宣化鎮馬二百九十六匹。由彼就近交察哈爾官兵收領出青外。其餘馬二千八百九十二匹。均解送到京。由

欽派王大臣點驗。交與察哈爾領牧。霜降後仍令各鎮協收回餵養。其出派收領馬匹之員。必須將各鎮協營辦馬官弁職名。先期送部存案。○二

年奏准。原調察哈爾牧廠馬駝。並直隸駝隻。及八旗各營。不出青馬。仍令照例於回圍三日後。先行收回。其餘應行出青馬匹。俱令隨從官兵。暫行餵養。每馬一匹。仍日給草乾銀一錢。俟出青時。由原

派大臣驗看交收。

互見馬部門。

○又

諭。前據楊芳奏。查明試養廠馬過冬。並無疲斃情形。擬於每年霜降後。撥馬三成在廠過冬。節省乾銀貼餵。在槽馬匹。兵部議駁甚是。但該提督所奏。係因時制宜。為調劑營馬起見。仍著准其以三成馬匹在廠過

冬。此外各營不得援以為例。互見馬幣門。○又議准嗣後

凡遇圍差京城及附近所設馬駝足數乘騎牧廠馬駝酌量止調如遇要差不敷乘騎無論春秋仍應調用。○四年

諭穆彰阿等奏均查大凌河馬羣一摺。盛京大凌河額設驕騾馬羣一萬三千六百匹。向例每屆三年由上駟院均查一次。如孳生數目較多除留原額馬匹外將餘馬交盛京各屬州縣分別變價。茲自嘉慶二十五年至道光三年屆應查驗經穆彰阿等均齊羣牧該處現在多餘馬四千四百餘匹著毋庸照例變價。

俟高喀鼎到彼均齊羣牧後即將此項馬匹加恩分賞盛京吉林黑龍江等處兵丁交將軍晉昌確加查點遵即行知該二處將軍派委妥員均勻領取毋致虛冒而昭實惠。互見馬幣門。○又奏准伊犁牧廠馬匹於

年終查明如臆分肥壯倒斃數少者官員給予議敘兵丁記名於揀選時列名若馬匹疲瘦倒斃多者著落賠補外將官員參奏議處兵丁責懲。○又奏准塔爾巴哈台牧廠馬匹牲畜每年查驗若臆分在三分以上倒斃不逾定額者由該處參贊大臣奏明將領隊大臣總管副總管

牧廠佐領俱准其議敘。兵丁記名遇揀選處列名。如倒斃雖未逾額而臆分在三分以下者。毋庸議敘。儻臆分平常。倒斃過多者。將領隊大臣總管副總管牧廠佐領一併叅奏議處。仍將倒斃過多之牲畜著落賠補。兵丁重責。○又奏准烏魯木齊伊犁庫爾喀喇烏蘇精河濟木薩營吐魯番等處屯田兵丁違犯應需牲畜該辦事大臣於一年內查明倒斃分數除馬匹驢羸准以三分報銷牛隻准以一分五釐報銷外。儻稍有逾額者。落該管各官賠補。仍記過以示懲儆。

如馬匹驢羸倒斃不及三分。牛隻倒斃不及一分五釐。將該管各官記功。其馬匹驢羸倒斃不及二分。牛隻倒斃不及一分者。該管各官給予議敘。如馬匹驢羸逾額倒一分以上。牛隻逾額倒五釐以上者。著落該管各官賠補。仍咨部議處。○又奏准。甘肅甘州提屬六廠。巴里坤。古城。濟木薩各廠孳生馬匹內。七歲以下之驢馬。留廠經牧。以備撥用。每年每百匹。准開報倒斃馬六匹。八歲以上之驢馬。遇有各營倒斃合例營馬缺出撥補。至二十歲以上之騾馬。及口老殘

廢碎小之兒馬。交地方官分別據實變價解司。甘州提屬六廠。三年均齊後。准挑變一次。巴里坤各廠。六年兩次均齊後。准挑變一次。每百匹均准挑變馬六匹。不得逾額。其孳生牧廠倒缺兒騾馬數。即以續得孳生兒騾馬匹抵補。分析造冊送部。俟考成時。將頂補過馬駒。仍算入孳生案內。以定功過。○七年

諭彥德等奏請旨將塔爾巴哈台之什德哩牧廠添設備差馬一百匹。按照從前倒斃六釐數目。改為三分報銷等語。現在塔爾巴哈台貿易商民較前倍增。哈



薩克等亦較為艱窘。盜劫案件漸多。遇有盜案。即時出派官兵乘馬躡緝。方於邊務有裨。即照彥德等所奏。著在什德哩牧廠添設馬一百匹。以備差役。此項新設馬匹。著即照從前軍臺三分報銷之例辦理。用示朕矜恤蒙古臣僕至意。至倒斃數目。若逾三分。仍著落牧放之人賠補。如有出差官兵。不惜馬力。任意驅馳者。其所倒斃馬匹。即著落該官兵賠補。○又

諭。彥德奏調劑牧廠卡倫事宜一摺。塔爾巴哈台地處極北。察哈爾額魯特等。自設立牧廠以來。歷年交烏魯木齊科布多軍營內地。及本處屯工軍臺馬牛羊

隻均無貽誤。現因生齒漸繁。生計拮据。上年復遇偏災。更形苦累。著照伊犁奏定章程。自道光八年起。孳生廠所取馬駒牛犢。另廠牧放。遇有差撥不敷一體撥用。俟及歲時。其兒馬牝牛。仍照例歸入備用廠外。其騾馬乳牛及歲後再取之孳生。即著賞給窮苦之察哈爾額魯特等。以資謀生。俟生計稍裕。仍歸入孳生廠照例取孳。其孳生廠之馬。查出口老者九百四十三匹。著即賞給蒙古。嗣後口老殘傷牲畜。仍照舊例辦理。其東南一帶。係通烏魯木齊伊犁大道軍臺五處。防範難周。著於雅瑪圖沙喇霍洛素之間。三月

雪消之後。東西設布克申二處。每處添派官一員。滿營四營兵十名。額魯特領催二名。壯丁二十名。於境內往來巡緝。遇有竊劫之案。即跟蹤追緝。九月雪後撤回。如始終奮勉。賊賊並獲。奏明獎勵。儻緝捕不力。藉端滋事。即從嚴懲辦。其干齊罕莫多。原設小卡官兵。著即裁撤。並果札木沙爾布拉克。原設額魯特領催兵丁。一併歸入新設布克申內。均著照所請辦理。

○八年

諭直隸古北口中左右三營騎操馬匹。向於立夏後。以一半牧廠出青。至霜降後。全馬歸槽。茲據齊慎查明。

馬匹在廠過冬。從前未見起臆。近年以來。冬寒雪大。多致瘦斃。自應量為變通。所有該廠馬匹。著即停止在廠過冬。全數歸槽。互見馬節門。○九年

諭。楊遇春奏請將羸老馬匹變價充公。並裁撤牧兵一摺。甘肅西甯鎮馬匹孳生繁息。而馬廠窄狹。不敷牧放。以致擁擠。日形疲瘦。所產馬駒。不堪經牧。茲據該督查照成案。估計變價。著照所請。所有西甯鎮廠存口老馬四千數百匹。病廢碎小兒馬一千數百匹。即委道府大員。赴廠詳驗。除將臙壯者留廠。並撥補各營缺額外。其餘殘廢不堪孳生之馬。以及碎小兒馬。

一併交地方官變價。分別等第。造冊送部。其經牧兵丁。即可裁撤歸營差操。互見馬幣門。又

諭。兵部奏差駝不敷。據咨另籌一摺。已依議行矣。此次巡幸盛京。需用駝隻。前經兵部奏准。調用察哈爾牧廠駝二千隻。茲據兵部奏稱。該處咨報僅有大駝一千一百餘隻。堪以調用。其餘除倒斃外。均係三四歲駝隻。弱小不堪馱載等語。察哈爾牧廠駝隻。原以備差調之用。該處左右兩翼。現有大騾駝四千五百八十隻。每年孳生既多。則駝即應不少。何以調用二千隻。竟短少九百隻之多。可見該處所稱牧廠陸

續取駒。及大騾。駝四千五百餘隻之數。竟係有名無實。嗣後著該都統等隨時認真稽察。無論騾駝騾駝。務令一律臆壯足數。逐歲增多。一經奏調。不准以倒斃弱小飾詞搪塞。如再不敷應用。惟該都統等是問。

○又議准。察哈爾採買駝隻。照牧廠駝隻進口例。每隻給空草一束。○又

諭。朕昨日經過杏山。迤東之石門子地方。閱看馬廠內排列大凌河騾馬三十四羣。共一萬二千九百五十餘匹。均極臆壯整齊。從此逐歲孳生。日益蕃庶。遇有差調。何患不敷。因思嘉慶年間。富俊曾經奏請裁

撤大凌河牧廠馬匹。分撥盛京吉林黑龍江三省官兵拴養。

皇考仁宗睿皇帝特降

諭旨飭駁。以其事斷不可行。仰見

聖慮周詳。至深且遠。馬政攸關緊要。大凌河牧廠寬廣。水草茂盛。實足為蕃息之資。若輕議裁撥。則散之甚易。聚之甚難。必至馬匹缺額。不能仍復舊規。儻再有率為此請者。即係莠言亂政。定當執法嚴懲。現在該處馬羣充牣。已有成效。嗣後著該副都統留心稽察。認真經理。嚴飭各莊頭。每歲於馬匹歸槽時。加意餵

養。出青時妥為牧放。務令孳息蕃昌。多多益善。俾一律肥壯可用。斷不可稍形懈弛。以致有名無實。若日久視為具文。馬羣內有疲瘦殘傷。不堪調用者。一經查出。惟該副都統是問。○又奏准。請將宣化府屬採辦駝一千九百隻。除先期倒斃者。仍赴部領價外。其餘收回駝隻。援照察哈爾奏准章程。一律報倒二成。按八成變足原價歸款。將來春秋園差。仍照舊例辦理。不得援以為例。○十年

諭。玉麟等奏伊犁歲收哈薩克租馬。及各部呈遞伯勒克馬匹。向交察哈爾額魯特兩營。入於備差廠牧放。



其倒斃分數。例與孳生備差之馬。按年一律以六釐報銷。近年以來。各夷呈納之馬。多係殘廢。入廠後易於倒斃。該官兵等不能溢額報銷。自應量加調劑。著照所請。嗣後此項馬匹。收交該兩營另廠收放。續有倒斃。准其每年每百兩報銷三分。自道光九年為始。另冊造報。照新定章程覈銷。以示體恤。其孳生廠出羣備差之馬。仍照舊例。按年以六釐報銷。毋得牽混。

互見馬  
部門。

○十二年

諭長齡等奏遵旨籌議設立駝廠章程一摺。前據長齡等奏請將阿克蘇軍需局收到內地置買協濟官駝。

挑選二千五百隻。分撥葉爾羌等處設廠牧放。諭令妥為辦理。茲據籌議章程具奏。著准其就各城原撥數內。量為裁減。於葉爾羌巴爾楚克共撥駝八百隻。每屆出廠時。以四百隻分交各軍臺兵丁運送布棉。以四百隻分撥該兩城兵丁運送糧石柴薪。統由經牧章京管理。喀什噶爾撥駝二百隻。以備兵丁駝運柴薪。阿克蘇撥駝五百隻。運送冰嶺布棉硝磺。所有各城派牧兵丁。作為廠兵。免其差操。各廠駝隻。照伊犁特穆爾廠之例。不取孳生。亦不准倒斃。除運送官物。仍給盤費外。空閒之日。准各廠兵自行營運。定以

限制。不得潛越庫車以東。所得腳資。即添補繩索。羣  
雇。不准另行開銷。每屆年終。各城將存駝數目。咨報  
參贊查覈。毋任日久滋弊。俾不致有累回衆。以期隨  
時調用。而實軍儲。至其餘駝一千隻。即著咨交烏魯  
木齊都統收明。按照舊例。飭令一體牧養聽撥。○十

八年

諭。向來察哈爾牧放馬匹。每遇出青。由京派副都統前  
往稽察。該員既無專辦之事。日久徒成具文。著自今  
歲為始。此項差使。即行裁撤。屆時毋庸請派。所有該  
處牧羣事宜。著責成察哈爾都統副都統督同總管

侍衛認真經理。遇有出青回青之時。著遠派妥員。前往照料牧放。並另派幹員。不時加意稽察。務使牲畜足額。一律臃壯。僅日似查有疲瘠倒缺各弊。惟該都統副都統是問。又議准。一八旗各營。並直隸馬匹牧青之時。由各該管官。將出青之馬。造具毛齒印冊二分。一分送部存案。一分交牧馬總管。以備該都統等按冊查對烙印。令其出口牧放。以杜空交空收。及途次盜抵等弊。一嗣後遇有圍差。所調各旗營。並直隸出青馬匹。至回圍之日。其中如有殘缺遺失。即照圍馬之例。賠銀七兩。

並將調用牧廠馬匹。照數扣留足額。至常年出青馬匹。內有口老殘傷者。仍令各旗營賠補馬匹。以昭覈實。一左右兩翼出牧馬匹。統由張家口行走。俾該都統親自查驗。以昭覈實。一宣化鎮各營出青官馬。送往張家口交納。造具毛齒數目冊籍。於到口進口時。按冊查驗。一撥補例倒馬匹。令牧羣總管。將應撥馬匹。查驗明確。先行造具毛齒數目清冊備查。一面將馬交牧馬總管驗收。回青之日。按冊查對。毛齒相符。飭令總管送京交納。並令該都統轉飭查明某翼某

羣倒斃馬匹若干。將撥補孳生馬匹數目。造具毛齒清冊。送部存案。以備監收回青馬匹時。按冊查驗。一馬匹回京之前。先令牧馬總管等將應放馬匹。造具毛齒清冊。先行呈報。於進口時該都統等親自按冊查驗。將清冊備文飛送兵部。以備照冊驗收。儻有毛齒不符者。隨時叅究。一回青時馬皆肥好。無口老殘疾而又倒斃不及額者。大臣官員。交部議敘。兵丁每名賞給一月餉銀。至臆分欠者。不必議敘。若倒斃雖少而口老殘疾多者。將口老殘疾之馬。照數挑出。著

令賠補。如或馬匹疲瘦殘傷。至有調換情弊。將察哈爾官兵嚴加治罪。大臣一併議處。俱由監收王大臣。於收馬完竣摺內聲明。交部照例辦理。○又

諭前據賽尚阿等奏酌擬察哈爾辦理出青官馬章程。當交兵部議奏。茲據該部逐款覈議開單呈覽。朕詳加披閱。其察哈爾總管侍衛。均係該都統所屬。嗣後著兵部毋庸奏派。即由該都統等自行遴選堪勝領馬交馬之總管侍衛。將銜名豫咨兵部。並著該部於奏請欽派監放馬匹王大臣摺內。將該都統所派領

馬之總管侍衛職名。一併聲明。以專職守。○二十二  
年

諭。前有旨。令鐵麟等。將察哈爾領放直隸牧青馬匹。全  
數調回京師。並令於上駟院太僕寺牧羣內。挑選二  
千匹。管帶來京。所有此項馬匹抵京後。即於南苑牧  
放。著派培成貴成巴里善前往妥為照料。欽此。遵

旨議定。上駟院商都馬一千二百匹。太僕寺兩翼馬八  
百匹。察哈爾領放直隸出青馬三千一百七十  
六匹。共馬五千一百七十六匹。均歸南苑牧放。  
○又奏定。在苑牧放直隸出青馬三千一百七



十六匹。除倒斃馬八百零一匹。又提撥直隸不  
數馬二百七匹。實存馬二千一百六十八匹。令  
該委員收領。其不數原額馬一千八匹。即由察  
哈爾都統在蒙古捐輸馬內撥補。至倒斃馬匹  
皮張。交兩翼監督變價。解交戶部。○又奏定南  
苑牧放商都太僕寺馬匹。霜降以前。由上駟院  
太僕寺轉飭該領牧官。儘數收領。押回牧廠。照  
例餵養。直隸出青馬匹。現在南苑牧放。應由該  
督於霜降前。派員來京收領。其宣化鎮馬匹。即  
令現在牧官。押赴該鎮驗收。至倒斃馬數。即在

本年各蒙古捐輸馬內照數撥補。○又奉

旨兵部奏南苑牧放馬匹請飭分別撤回所有南苑牧放商都太僕寺及察哈爾領牧直隸出青馬匹間有倒斃均著加恩在本年各蒙古捐輸馬內照數撥補以示體恤。○又

諭兵部奏南苑倒斃馬匹請變通撥補本日又據培成等奏馬匹全數出苑各一摺所有直隸天津各營縣應行撥補馬匹業據培成等提撥足額著即照例辦理至直省出青在苑牧放馬匹除充補前次及陸續倒斃外實存馬二千二百六十八匹即著交該省委

員收領其不敷原額馬一千八匹。著鐵麟等於蒙古捐輸馬內照數撥歸直隸以足原額。卽由宣化鎮就近驗收分領。其倒斃馬匹皮張著交兩翼監督變價歸繳。二十三年議定八旗各營官拴馬二千匹除一千二百匹係留京當差其出青馬八百匹及直隸馬二千六百十六匹非遇圍差及緊要差使別無調用之處。況此項馬匹之外尚有八旗各營備差傳事馬二千九百三十四匹並官拴不出青留京馬一千二百匹皆可調用。卽或不敷仍可先期向察哈爾調取。且商都太僕寺牧

廠馬匹亦皆應行調用。嗣後出青馬匹暨直隸  
宣化鎮出青馬五百六十匹。一併全行裁撤。均  
交察哈爾永遠妥牧。所有馬乾全行停止。互見八旗官馬門○又議准。察哈爾各旗蒙古捐馬七千九

百七十四匹。內撥給天津防堵跟役兵三百匹。又  
撥補南苑牧青倒斃馬一千八匹。商都另羣存  
捐輸馬六千六百六十二匹。太僕寺兩翼另羣  
存捐輸馬五百匹。共七千一百六十二匹。按照  
調取圍馬商都六成太僕寺兩翼四成之例。分  
給商都驕馬四十四羣。內六成馬四千二百九

十七匹。分給太僕寺兩翼驕馬二十羣。內四成馬二千八百六十五匹。並防堵跟役兵所騎馬三百匹。俟交齊。亦歸入商都驕馬四十四羣牧放。此項馬匹。按年倒斃。准由騾馬羣孳生馬內撥補。仍將每年倒斃數目。由牧羣總管咨報上駟院查覈。該總管翼領牧長人等。按年應議賞罰。由上駟院照均齊商都馬羣成例覈議。○又奏定常川牧放青馬章程。一向年領牧出青馬三千九百七十六匹。分為十一羣。每羣牧馬官一員。兵二十名。官兵每名領六箇月牧馬盤費。

銀十八兩。共領銀四千一百五十八兩。仍照舊章。鑲黃正白正黃三旗。每旗牧馬二羣。鑲白正藍正紅鑲紅鑲藍五旗。每旗牧馬一羣。每羣裁兵十名。留官一員。兵十名。專司牧放。一年更換一次。按年造冊送部。一牧青馬匹。既責成各該旗總管參領。常川經理。應將牧馬總管侍衛參領副參領。全行停止。一牧馬官十一員。每員每日給盤費銀一錢。兵一百十名。每名每日給盤費銀五分。計每年共給銀一千九百八十兩。遇閏加增。此項銀兩。請免赴部關領。應即由都統

衙門庫存生息銀內動支。年終報部覈銷。一青馬向係一成倒斃。嗣後每年仍按一成倒斃。由商都太僕寺兩翼孳生馬內照數撥補。報部查覈。倒馬皮張。即賞給牧馬兵丁。一牧放出青馬匹兵丁。向由庫存生息銀內每兵每年給賠補。例外倒斃馬價銀七兩。今既常川牧放。春秋並不領交。所有應領賠補倒馬價銀一千五百四十兩。應行裁汰。一凡遇調用馬匹。內有殘傷倒斃者。援照商都太僕寺兩翼成案辦理。至官兵應領送馬盤費銀兩。亦照商都太僕寺兩翼送

馬成案。按名按日支領。此項銀兩。如生息銀內不敷支放。應即由部關領。其馬匹進口赴京。仍由部發給草票。每站每馬付七斤重空草一束。

互見馬  
部門。

○三十年

諭奕興奏繳口外牧廠地段懇請賞收一摺。奕興舊有察哈爾所屬蘇魯克地方牧廠一段。現因牧丁在彼滋事。難以照管。情願呈繳。著照所請。將牧廠賞收。其看廠衆丁戶等。均交察哈爾都統管理。該處原撥看廠丁戶。生齒日繁。且與試墾地畝間有毗連。應如何酌定章程。嚴加約束。不致日久滋事之處。著該都統



等妥議具奏。○咸豐元年

諭西凌阿奏遵旨體察牧青官馬歸羣牧放一摺。察哈爾八旗牧青馬匹。既據該都統詳細體訪。官兵重受賠累。請分歸商都等處牧放。以便照料。不致經久弊生。自係實在情形。著照所請。此項馬匹。准其分歸商都兩翼太僕寺驛馬羣內牧放。○又

諭訥爾經額奏江南淮徐一帶。現當炎夏。察哈爾馬匹。於內地水土。素所未習。且覈計日需費用甚鉅。請停止調往。即由江南各糧臺就近採買等語。該督所奏。自係實在情形。此次所調察哈爾馬匹。著即毋庸調

赴軍營。仍留口外牧放。聽候調用。如軍營馬匹現在不敷。即著陳啟邁鄭敦謹派委妥員。於河南山東等處就近購買。毋誤軍行。○二年議准。

昌西陵八旗添設馬八匹。由察哈爾常川牧青官馬內撥給。○三年議准。巴里坤牧廠孳生駝隻全數估變。以節經費。○四年奏准。察哈爾牧廠馬匹。各路軍營調用甚多。礙難均齊。應請暫行展緩。俟軍務平靖。照常辦理。○七年奏准。商都太僕寺兩翼各項騎馬羣內倒斃馬匹。應均按照出青馬匹例。每百匹一年准倒十匹。如有逾倒馬

匹。即著落該牧馬官兵等照數賠補。○又議准。商都太僕寺各牧羣所收各札薩克旗捐輸馬。除節次調用外。實存新捐輸馬二千三百九十八匹。該都統於此項捐輸馬內。撥二千匹。分給察哈爾八旗兵丁騎操之用。如有倒斃。由捐輸馬內撥補。毋令缺額。如倒斃逾額。著落該領騎兵丁賠補。其馬價銀兩。毋庸由兵餉內作扣。以免苦累。此項馬匹。即責令該領騎兵丁就近牧放。毋庸給予馬乾銀兩。○同治元年

諭。兵部奏請整頓馬政。以利軍需。並酌擬章程等語。軍

營馬隊最為得力。然必須臚壯精良。方能制勝。近來馬政廢弛。積弊日深。以致調赴軍營馬匹。時多疲瘦。若不認真整頓。何以蒐軍實而挽頽風。著照該部所擬。責成各牧廠大臣等官。妥為照料。年終將實在情形。據實具奏。如調用時。或疲憊不堪。將原奏大臣嚴加議處。監牧等官從重治罪。若一律臚肥。均准從優議敘。並由各該軍營大臣。於解到時。查驗具奏。其軍營調取馬匹。著責成該廠大臣。督率監牧等官。認真挑選。派委妥弁解送。並先期知照。經過地方官。廣設棚房。寬儲草料。馬乾一項。准照例酌加十分之二。地

方官不得任意剋扣。解馬官亦不准額外需索。違則從重治罪。至途中報倒。例有定數。沿途馬乾業已酌加。不得藉口例價不敷餵養。如有例外報倒者。照數追賠。數多者照例分別治罪。向來牧廠孳生。限三年一均齊。自咸豐四年經太僕寺奏准展緩後。歷年各該廠僅於年終咨報兵部。並未照均齊例案。分析載明。嗣後每屆年終。著將孳生數目咨報。並將厯屆均齊年分。由該都統依遞覈算。造具細冊報部。以杜弊混。其京外各營。各直省驛站額設馬匹支應差操。及接遞公文。均關緊要。並著各該管大臣。確切查覈。年

終具奏。如查有缺額及疲乏等弊。即著從嚴叅辦。經此次訓飭之後。各該管大臣等。務當力求整頓。俾馬政日有起色。以利軍需。不得視為具文。致干重咎。欽此。遵

旨議定。嗣後每年終。仍將孳生數目咨報。並將厯屆均齊年分。令都統依遞覈算。造具四柱清漢細冊報部。以備查覈。不得以展緩有案。藉滋弊混。○又議准。察哈爾都統奏稱。捐輸馬匹無多。因查各羣騾馬。專為孳生而設。例不應差。共計二百七十四羣。擬於本年先撥給騾馬五百匹。帶馬

駒五百匹。自明年起。每年專撥騾馬二百匹。截至同治六年。分撥六次。共合騾馬一千五百匹。雖孳生不能豫定。而新舊相接。自可有資差掇。○又奏定牧廠大臣歲終具奏。將各羣馬匹臚分實在情形。於摺內聲明。僉奏明馬匹臚肥。至調用時有疲瘦不堪者。將監牧官從重治罪。原奏大臣嚴加議處。如一律臚肥。將監牧官原奏大臣均從優議敘。其臚分肥壯與否。解到時。由軍營大臣親身查驗。秉公具奏。以昭覈實。○又奏准調取馬匹。責成牧廠大臣。督率監牧官認

真挑選沿途解送。仍由該大臣揀選牧廠員弁。作為督解官。送抵軍營。以專責成。而杜推諉。○又定大凌河牧羣額。設歲食六十兩。翼領二員。歲食四十五兩。牧長三十四員。月食三兩。副牧長三十四員。牧副三十四名。月食二兩。副牧副三十四名。牧丁五百二十六名。○又奏准。恭遇陵差調用察哈爾馬匹。差竣回原處後。每一百匹。准倒五匹。不得按一成報倒。○二年

諭。前因兵部奏請整頓馬政。並酌擬章程。當經諭令各處牧養馬匹。責成各牧廠大臣。年終具奏。如調用時。



億瘦不堪。即將原奏大臣嚴加議處。監牧等官從重治罪。茲據恩合奏稱整頓大凌河牧羣馬政。請將衰病之牧長勒令退休。並明定章程。牧羣翼領毋庸與副都統並銜畫稿各等語。向來牧廠考比馬政。止論孳生之多寡。不論馬匹之肥瘦。以致疲殘羸瘦充數塞責。且孳生倒斃數目。均有向章例限。牧馬等官無從甄別。甚至衰老之員。戀棧充數。若不嚴行懲辦。不足以資整頓。著照該副都統所擬。其年已七十以上之牧長。嘎爾炳阿、常福、興德、西倫、達成、阿。副牧長福隆、阿佛、英額。即著勒令休致。嗣後牧羣升途。以該羣

孳生之馬數較多。兼能臚壯者。以次揀補。如有馬匹  
疲瘦等弊。即將該翼領等嚴行叅處。牧長以下等官  
即於查驗馬匹之時。分別責懲叅革。其錦州牧羣衙  
門六品翼領。向與副都統聯銜畫稿。非惟與體制不  
合。更易啟把持擅權之弊。嗣後錦州牧羣衙門。著比  
照錦州管莊衙門。遇有辦理文稿事件。文內僅敘該  
翼領案呈。不准聯銜畫稿。以示區別而杜僭妄。○八

年

諭。奕榕奏查明牧廠准領地畝有礙牧放。請仍照例封  
禁。並將牧長革職訊辦一摺。大凌河西牧廠以老河

身為界。前因旗人胡拉布等呈請領墾三河套舊河底地二千八百餘畝。經盛京戶部覈准升科。現據奕榕覆行查勘。該處開墾地畝日久。恐侵廠地。實於牧政大有關礙。自應仍行封禁。著戶部查明將該旗人等領地升科之案。即行註銷。所墾之地一律平毀。並著該將軍府尹務令旗民地方官照例將馬廠界限挑挖濠溝。重整封堆。自舊河底以西。不准再行領墾。以重牧政。而杜姦萌。牧長卓金當承墾時。派往查勘。據稱不礙牧馬。此次覆查出結。又復獨執一詞。意存迴護。顯有營私情弊。著即革職。嚴行訊辦。○十三年

議准。大凌河牧羣。嗣後收齊節省草銀。仍由副都統衙門派員。在於錦甯廣義四州縣。持票採買內地口輕駟馬補羣。隨時驗收牧放。如一年內不能買齊。將銀歸併下屆採買。每匹支價銀九兩。互見馬幣門。○又議准。大凌河牧羣。嗣後駟馬

入圈餵養。除莊頭應備日給油炭蓆片等物。聽其自便以資辦公。其餘草料一概不准折色。儻蹈故轍。將牧長嚴叅。莊頭斥革。一併送交刑部治罪。並將失察之兼轄統轄各官。一併奏叅交部議處。○又定。大凌河牧羣。額設駟馬十羣。驛

馬二十四羣。每羣四百匹。○又定大凌河牧羣額設駝三十隻。○又定大凌河牧羣。每年小均羣一次。每三年大均羣一次。各將舊管新收開除實在馬駝數目。造冊徑送上駟院外。仍送將軍衙門查覈。○又定大凌河驕馬。每年每百匹例准倒斃十匹。逾數倒斃者論過。○又定大凌河驕馬。三年均羣一次。除孳生補抵倒斃外。每馬五匹。例取孳生馬二匹。○又定大凌河馬匹。每年於立冬日起。交管莊衙門所屬各莊頭入圈餵養。立夏日止。出圈牧放。入圈後。各莊頭應

備之棚圈槽鋤有無齊整。並馬匹臆分。由將軍衙門派員查驗。○又定。大凌河牧羣內有老口殘傷馬匹。每年於五月小均羣時。由該處變價。每匹價銀一兩至二兩不等。分析造冊。呈報將軍衙門備查。其變價銀兩。統屆三年大均羣之期。將銀兩由該牧羣處彙總。委員徑解內務府廣儲司查收。○又定。上駟院每年咨取添圈驕馬二三百匹不等。該處揀選。徑行送院。○又定。盛京內務府。每年咨取大凌河駑馬二十餘匹不等。該處照數揀選。解送將軍衙門轉送。○又定。

大凌河牧羣。每年倒斃馬皮揀選張頁寬大者。  
按四季徑送

盛京工部。以備採蜜做口袋應用。其破爛不堪者。  
俟年終徑送武備院。又定大凌河牧長等。每  
年赴上駟院領取治馬藥材紙筆墨費等項。

欽定大清會典事例卷六百五十

兵部

馬政 軍馬 馬節一

軍馬。○順治十五年題准親王出征帶馬四百匹。郡王三百匹。貝勒二百匹。貝子百五十匹。鎮國公百匹。輔國公八十匹。不入八分鎮國公七十四匹。輔國公六十四匹。將軍八十匹。副將軍七十四匹。護軍統領前鋒統領副都統各六十四匹。署護軍統領署前鋒統領署副都統各四十四匹。前鋒參領護軍參領驍騎參領署護軍參領署驍騎



參領一等侍衛護衛各三十五匹散秩官前鋒  
侍衛二等侍衛護衛各二十五匹委署官三等  
侍衛護衛各十八匹護軍校驍騎校各十二匹  
署護軍校署驍騎校各八匹護軍領催各六匹  
驍騎各四匹內院學士與副都統同侍讀學士  
與參領同侍讀與散秩官同筆帖式與驍騎校  
同多帶者不准。康熙三年覆准官員解送軍  
前馬匹沿途應加謹餵養若疲瘦三匹以下者  
免議十匹以下者罰俸三月二十匹以下者罰  
俸六月三十匹以下者罰俸九月四十匹以下

者。罰俸一年。五十匹以下者。降一級留任。六十匹以下者。降一級調用。六十匹以上者。革職。○又題准軍需馬匹有交與州縣餽養者。若有疲瘦。照解送軍前馬匹例計數議處。○三十五年

諭。內廄馬撥一千匹。兵部馬撥五百匹。八旗佐領所養馬。內擇其肥者。撥一千五百匹。共三千騎。於每佐領所留護軍一名。內酌量派出。令同內廄人將此馬趕護。於三月二十日啟行。出張家口。約行二十餘日。可到此馬到時。如正當對敵之際。則給兵騎用。甚有裨益。即旋師時。令兵丁騎用。亦大有濟。其趕護馬匹之

護軍與內廐人亦應照出征人例給馬四匹。又

諭軍士所乘出征馬匹到時監收仍給錢糧照常飼養

缺者毋令按補每佐領駱駝二隻馬或二十四匹或三十匹定數飼養凡有軍事可供需用為益良多至內廐發與騎乘之馬到時亦俱交送內廐隱匿不交者亦或有之著各都統嚴察令其儘數送入。五十四年覆准餵養軍需馬匹疲瘦五十匹以上者將府道罰俸三月百匹以上罰俸六月百五十匹以上罰俸九月二百匹以上罰俸一年二百五十匹以上降一級留任三百匹以上降一級罰

俸一年。乾隆二年

諭軍營撥給兵丁官駝馬匹。值寒冬風雪之時。不無倒斃。兵丁賠補。未免苦累。今特加恩。凡在軍營兵丁。拴養馬駝。每年每百匹。准倒四匹。遇有行走之處。每百匹內。准倒八匹。其倒斃駝馬。著動公項補給。開銷。仍交該管大臣將軍等。飭令兵丁。加謹牧放。毋得恃有此恩。以致駝馬過於傷損。○十四年

諭大兵凱旋。現在陸續俱由原路回營。一切馱載乘騎。均需馬匹。聞武功以西棧道。馬匹倒斃甚多。即現存之馬。亦因時當春令。新草未茁。每多疲瘦。亟應設法。

辦理在凱旋回營之兵原非去時可比不妨多分起數從容行走其中或有願折馬價步行者應聽其便但不可令兵丁過於勞苦如此辦理或稍遲旬日較之水路紆迴尚為省便。三十四年

諭前據阿里衮奏海蘭察等乘騎馬匹行至南底壩地方計程不過五六月即已疲乏因降旨查詢今據阿里衮阿桂明德等覆奏所有餵養馬匹為時已閱一年之久僅得膳三四分馬匹為行軍第一要務全在先期悉心經理加意餵養務期一律膳壯方可無誤軍前進勦之用從前平定西陲時黃廷桂在陝甘總

督任內一切軍需籌畫備極精詳而於辦馬一事經理尤能切中窾要凡各處調赴馬匹節次經行之地沿途皆豫備芟芻如法飼秣軍營深為得濟是以黃廷桂於推鋒陷陣雖未身親其事而大臣為國殫心竭力克佐成功朕即格外加恩優封伯爵以示酬庸彼時阿里衮阿桂皆習見熟聞明德又曾經共事豈得竟諉為不知乃阿里衮此次以兼理總督赴滇已越年餘阿桂雖係續到而身任總督責無他諉明德又由巡撫升授總督經朕諭令專心督辦試問軍儲重務孰有大於此者乃伊等並不知殫心籌備以致

悠忽因循。至於如此。猶不肯參奏。不善飼馬之劣員。若如伊等所辦。即多費帑項。將來終歸之於無可如何。一言了事。是屬何心。如以滇省草料等項。價值未免昂貴。原額買用不敷。即應據實奏請加增。軍實所資。朕豈肯稍為靳惜。黃廷桂辦理軍需。所請加增。無不朝奏夕從。伊等豈昏愚忘之乎。何以愒日翫時。諸事漫無措置。且並不一為親身查驗。以稽勤惰。豈國家軍需正帑。可一任官吏恣意開銷。而行閒要需。竟致不得實用。伊等尚得謂之有天良乎。現在所調馬匹陸續解送到滇。數月之間。即需用以進剿。若再如

此貽誤所關匪細。伊等身家性命固不足惜。而誤國家大事。即子孫亦必受其殃。毋謂朕不戒不教也。○又奏。律軍需馬羸最關緊要。應交各省督撫將所辦馬羸驗明。臆分壯健。選委妥員加意餵解。交收。如果數足臆肥。即將委員請

旨議敘。若驗係疲瘦或倒斃過多。即責令立時買補。並據實嚴行參奏。交派委不慎之上司一體分賠。○三十六年

諭兵部前次議處解馬倒斃各官一案。舊例所定倒斃六十匹以上不計多寡。概予革職而止。實未平允。著



軍機大臣會同該部另行按所解馬成數分析定例具奏。欽此遵。

旨議定。凡解送軍營馬匹。其分起解送之文武各員。照軍營賠補馬匹之數。每百匹准其倒斃三四匹。如倒斃至四五匹者。定以罰俸六月。六七匹者。罰俸一年。八九匹者。降一級留任。十匹十一匹者。降一級調用。十二匹十三匹者。降二級調用。十四匹十五匹者。降三級調用。十六匹至二十匹者。革職二十匹以上者。革職杖一百。三十匹以上者。杖六十。徒一年。三十五匹以上者。杖七十。

徒一年半。四十匹以上者。杖八十。徒二年。四十匹以上者。杖九十。徒二年半。五十匹以上者。杖一百。徒三年。如有盜賣別情。從重治罪。至總理督解之員。合其督解總數。按其倒斃多寡。亦照此分別議處治罪。○五十一年奏定軍營辦事文武官員。給予騎馱馬駝數目。文職大學士。尚書都察院左都御史。各給馬十六匹。駝四隻。侍郎給馬十三匹。駝三隻。內閣學士。副都御史。三品京堂等官。各給馬十二匹。駝二隻。四品京堂及內閣侍讀學士。翰林院詹事府四五品官。

國子監滿司業六科給事中。各道監察御史。各給馬十匹。駝二隻。各部院郎中。員外郎。主事。內閣侍讀。翰林院詹事府。六七品官。國子監漢司業。欽天監。監正。監副。太醫院院使。院判。及各衙門。五六品官。各給馬八匹。駝二隻。內閣中書各衙門。七八品小京官。太醫院御醫。各給馬八匹。駝一隻。各衙門九品小京官。及筆帖式。天文生等。各給馬六匹。駝一隻。武職。經略大將軍。給馬二十五匹。駝六隻。將軍。及大將軍之副將軍。給馬二十匹。駝五隻。副將軍。給馬十八匹。駝四隻。

參贊大臣給馬十七匹。駝四隻。

盛京吉林黑龍江三處將軍及京城都統各給馬十六匹。駝四隻。前鋒統領副都統各給馬十三匹。駝三隻。

御前侍衛。

乾清門侍衛巴圖魯侍衛領隊侍衛均不論品級。與總管城守尉各給馬十二匹。駝二隻。營總翼長各給馬十一匹。駝二隻。頭等侍衛前鋒參領護軍參領參領署參領協領各給馬十四匹。駝二隻。二等侍衛前鋒侍衛副護軍參領副參領防

守尉各給馬八匹。駝二隻。三等待衛藍翎侍衛佐領。委署前鋒參領。委署護軍參領。防禦各給馬八匹。駝一隻。親軍校。前鋒校。護軍校。驍騎校各給馬六匹。駝一隻。副前鋒校。副護軍校。藍翎長賞空翎。拜唐阿各給馬四匹。每二名合給駝一隻。其作為領隊大臣者。副都統以上等官。各按本身實任支給。副都統以下等官。無論品級均按副都統分例一體支給。鑾儀衛大小各官。按品級照侍衛對品分例支給。世職各官。各按品級委用職任分例支給。以上職銜未能盡載。

者查照品級比較支給至軍營委署官由帶兵各該大臣揀選委署一面報明兵部及軍營將軍大臣有案者是為部委其應得分例照所委之銜支給如僅係軍營將軍大臣鼓勵委署並非指定額缺報部有案者仍照本身分例支給文武各官之例帶跟役每五名合給馱馬二匹京城及東三省兵丁每名給馬三匹三名合給駝一隻如無駝處所以馬牛二匹隻折駝一隻牛馬駝皆無處所駝每隻折夫四名馬牛每匹隻各折夫二名○又奏定派往出征各處駐防

滿營官兵自原營起程前赴進征省分乘騎本  
身例馬兵丁借支庫存馬價雇買馬馱載軍  
裝至用兵省分該官兵等騎來原馬如果臆壯  
力足毋庸辦理外儻路途遙遠行走迅急臆力  
疲乏不堪再為長驅者將原營騎馬馱馬點交  
該省查收分別應用變價另行辦給騎馱馬駝  
數目將軍都統給馬十六匹駝三隻副都統給  
馬十一匹駝三隻總管城守尉給馬十四匹駝二  
隻營總協領給馬九匹駝二隻參領給馬八匹  
駝二隻防守尉副參領給馬七匹駝二隻佐領

防禦給馬七匹。駝一隻。恩騎尉。驍騎校。駐防筆帖式。給馬五匹。駝一隻。兵丁給馬三匹。每三名合給駝一隻。官兵之跟役。每五名合給馱馬二匹。○又奏定。派調各省綠營官兵。官員乘騎本營例馬。外委馬步兵丁。每二名給馱馬一匹。官員之跟役。每二名給馱馬二匹。○又奏定。派往軍營供事。醫牛書識匠役騎馱馬。駝數目。供事每名給騎馬二匹。馱馬一匹。若馬匹不敷。每馬折夫二名。醫生書識畫匠。可以給車地方。每三名給車一輛。如道路險仄。車不能行之地。每名



給行李器具夫二名其餘各項匠役無論口內口外每名每站給行李器具夫一名○嘉慶六年奏定奉派出師官兵應需馬匹在於各鎮營內挑選如將不堪備用之馬充數將承辦挑選之員照以不堪用營馬充數之例降三級調用不行飭駁更換之該管上司降一級調用提鎮降一級留任如係提鎮自行挑選即將提鎮降三級調用如能挑選妥善差使無誤者准其加一級○二十五年

諭奕顯等奏所有河南陝西出師官兵乘騎打仗傷損

馬匹請旨亦照乘回原處馬匹折價展限坐扣完繳等語此項馬匹該官兵等曾經乘騎打仗傷損及墜山之處彼時均已呈報各營翼長非騎回原處馬匹可比况該官兵等俱恃俸餉度日當差若將倒斃馬匹一律折價賠繳其力不免拮据著加恩將此項打仗損傷馬四百八十四匹俱著寬免毋庸賠繳以示朕體恤軍營奮勉奴僕之至意○道光四年奏定各省辦解軍需馬獻如果足數臆肥由該督撫奏

明請

旨議敘將解送之員准其軍功加一級○七年

諭德英阿等奏伊犁出征兵丁應賠騎馱馬匹一摺道光六年征勦逆回由伊犁各營挑派兵丁二千名隨同出征在官廠內調撥馬匹每兵一名給騎馬馱馬各一匹共給馬四千匹又酌給民遣等馱馬三百三十四匹現經凱撤回營據該將軍等查明各營兵丁原領馬匹由冰嶺行走倍形疲乏且歷時既久倒斃愈多若照分別銷賠兵力未免拮据加恩著照所請所有伊犁兵丁原領馬四千匹准其於定例騎馬五分准銷外再銷三分照馱馬八分准銷例普律著賠二分其民遣等原領馱馬三百三十四匹均已倒斃

應行追賠之處著全行豁免以示體恤。○咸豐三年諭兵部奏酌議吉林黑龍江官兵分起行走需用沿途馬匹查照成案備辦一摺均著依議辦理所有吉林黑龍江官兵分起前進之處著改為開一日行走以期迅速至各該官兵抵營後需用馬匹尤關緊要著兵部妥速奏明備調毋致遲延。○七年

諭穆隆阿慶昫奏遵備軍營馬匹請飭沿途妥為照料等語察哈爾調赴軍營馬匹既經該署都統等派員挑選著於所調一千匹外再行添補百餘匹一併管解來京聽候查驗再行撥解軍營俟馬匹進口時著

沿途督撫府尹派員妥為護送毋使餽養缺乏致誤要需。○同治元年

諭兵部奏請整頓馬政以利軍需並酌擬章程等語軍營馬隊最為得力然必須臚壯精良方能制勝近來馬政廢弛積弊日深以致調赴軍營馬匹時多疲瘦若不認真整頓何以蒐軍實而挽頹風著照該部所擬責成各牧廠大臣等官妥為照料年終將實在情形據實具奏如調用時或體疲不堪將原奏大臣嚴加議處監牧等官從重治罪若一律臚肥均准從優議敘並由各該軍營大臣於解到時查驗具奏其軍

營調取馬匹著責成該廠大臣督率監牧等官認真挑選派委妥弁解送並先期知照經過地方官廣設棚房寬儲草料馬乾一項准照例酌加十分之二地方官不得任意剋扣解馬官亦不准額外需索違則從重治罪至途中報倒例有定數沿途馬乾業已酌加不得藉口例價不敷餵養如有例外報倒者照數追賠數多者照例分別治罪○又

諭據僧格林沁奏此次察哈爾兩起交到馬六百匹不堪騎用者較多雖因調撥較繁牧羣內所存無幾而該管員弁平日不能小心餵養臨時率以老弱充數

亦概可知。著慶昫等實力整頓。嗣後各路軍營調用馬匹如再似此草率不能一律臆壯定將該都統該管之員一併懲處。

馬帑。順治初年兵部設常盈庫設官管理收儲車駕司朋椿站銀廢車勘合等項並武庫司弓兵柴炭缺官柴薪馬值等項太僕寺馬價銀兩各省營馬缺額或動帑買補或隨時撥給。六年題准官員騎坐馬皆係自備名曰例馬每月照數支領草料提督准例馬十五匹總兵官十二匹副將八匹參將遊擊各六匹都司守備

各四匹千總把總各二匹至兵丁騎操馬酌量  
各營情形或馬步各半或馬四步六或馬三步  
七或馬二步八或馬一步九或不設馬皆於奏  
銷案內照各營實在數目開造報部察覈知照  
戶部銷算草料○七年題准各營朋扣銀兩按  
季造報○八年題准副將以下把總以上每月  
於應支銀內扣二錢馬兵扣一錢步兵扣五分  
守兵扣三分名曰朋扣存儲營中以備買馬之  
用若有餘騰由部覈明於奏銷本內題交戶部  
充餉○十二年題准停止季報令各督撫將所



屬營馬數目彙造總冊年終奏報查覈。○十六年題准官員例馬提督二十四匹總兵官十六匹副將十二匹參將八匹遊擊以下仍各照舊數。○十八年題准兵馬總歸督提管理其馬政朋椿文冊俱聽總督彙報。○康熙三年常盈庫錢糧統歸戶部。○五年題准營馬倒斃如符年限者准用朋扣銀買補若年限不符除照例賠椿外亦准用朋扣銀買補其價直隸每匹九兩山東十兩山西八兩河南八兩五錢江南十三兩九錢七分江西十六兩八錢二分四釐福建二

十二兩浙江十六兩湖北湖南十五兩陝西八兩廣東二十一兩九錢廣西二十兩雲南二十一兩八錢貴州二十兩二錢二分有奇甘肅四川除貢馬抵補外其不敷之馬甘肅每匹給價八兩四川每匹給價十二兩。七年議准各省朋椿銀兩年終聽兵部查覈應扣銀兩咨送戶部撥餉如有營馬缺額開送戶部購買。九年題准裁常盈庫管庫等官。十一年題准官兵不扣朋銀者該管官罰俸一年提督罰俸六月無提督之省總兵官罰俸六月。又題准直省

營馬朋椿奏銷有總督之省由總督題報無總督之省由巡撫題報在京巡捕營由該參將呈報本部查覈奏銷。○十六年題准營馬倒斃不報照常支領草料。將該管官議處。○四十四年覆准山西河南湖北湖南陝西營馬倒斃原係朋扣銀買補於康熙二十四年令牽領茶馬補額今招中茶馬已經議停所有各省營馬倒斃仍准用朋扣銀買補。○四十五年覆准直省營馬倒斃遞年加增必致朋扣不敷買補嗣後如倒斃過多實有冒銷情弊該督撫提鎮即行題

叅○四十七年題准○營馬倒斃○該管官驗明耳  
尾○將倒斃日期○出結詳報督撫提鎮○一面動朋  
扣銀買補○仍將新馬價值毛齒○領騎兵丁姓名  
按季造冊報部○仍於年終奏銷○由部查覈題覆  
○五十五年議准○營馬朋椿等冊○按季造報○繁  
冗擾累○甚屬無益○嗣後統於一年奏銷案內造  
報一次○五十七年

諭○福建廣東地方潮溼○馬匹難存○若屢令賠償○必至苦  
累兵丁○業已給過草料銀兩者○免其追賠○著照綠營  
兵丁例○半為馬兵○半為步兵○馬兵各養馬二匹○雍

正元年題准。江南。江西。福建。浙江。湖北。湖南。四川。雲南。貴州等省營馬。騎過三年倒斃者。免其賠椿。廣東。廣西二省。減年賠椿。騎過三年倒斃者。亦免賠椿。直隸。山東。山西。河南。陝西。甘肅等省營馬。騎過五年倒斃者。免其賠椿。均准動支朋扣銀買補。○七年覆准。官兵朋扣銀。有經督撫提鎮題奏。撥修船隻及軍裝器械。並賞號公務差遣等事之用者。均入於奏銷案內。由部查照。准其開銷。○十二年議准。營馬除口外差遣及在軍前倒斃者。皮臟免其變價外。江南督標每

匹變價一兩五錢提標一兩。安徽撫標一兩二錢。蘇松撫標九錢二分有奇。湖南湖北一兩。其餘直省均五錢。發給馬價時。將皮臟變價扣除。於奏銷冊內造報查覈。○又議准買補營馬。遵照定價發給。不得短少分釐。所買之馬。果係臆壯。方准收營。如有扣剋擾累。該管官革職計贓治罪。若任兵丁以不堪用之馬充數者。該管官降三級調用。○又議准四川營馬。照驛馬之例。給價八兩。○乾隆元年。覆准武職親丁馬匹。俱准備價存營。遇有需用馬匹之時。即將所存馬

價銀兩照部定價值購買備用。○又奏准各省武職官員騎坐馬俱係自備。每月在庫關領草乾。謂之例馬。京城巡捕五營各員并缺大於銜者。則照缺關支例馬草乾。銜大於缺者。則又照銜關支例馬草乾。向不畫一。嗣後各省員并無論大小。俱照缺關支例馬交各省總督提督等察覈。如再有似此者。由該管大臣等照例賠還。

○二年

諭今年陝西西安一帶地方收成歉薄。糧豆價貴。而草價更屬高昂。將軍標下兵丁額領之銀。不敷餵馬之

用已降諭旨。將明春三箇月草價加增一倍賞給。並令督撫等將本標牧馬草價應否酌添之處。妥議具奏。今思陝省駐城八旗三標官兵馬匹。所有米豆二項。俱令照折支之價自行採買。今年價值昂貴。兵丁購買未免艱難。除從前已經支給者。毋庸加增外。著將現有應折未支之米豆。照原定每石一兩之價。加添銀五錢。俾兵丁等力量寬餘。不致有添價採辦之苦。此朕格外加恩。後不為例。○三年

諭各營餵養馬匹。惟恃馬乾銀兩。查直隸河間通州一帶。每馬一匹。夏秋二季月支銀九錢。冬春二季月支



銀一兩二錢。惟天津鎮標左右城守三營、大沽等四營，每馬一匹，夏秋月支銀五錢，冬春月支銀九錢，較之別營為數減少。蓋以天津地勢窪下，水草茂盛，便於牧放，故酌減其價也。但天津鎮標三營及大沽王慶坨二營，地處水濱，為九河下梢，連年遭值水患，田禾淹浸，非平常可比。目下兵丁採買料草，價值加昂，深可軫念。著將鎮標城守三營並大沽王慶坨二營，實在差操馬兵三百一十四名，冬春二季每月應支馬乾九錢外，加賞銀三錢，與河間通州二協之例相等。俟明年夏季仍照舊例開支。○七年

諭雍正七年川省鎮標領協營派往西路駐防官兵內有脫逃兵丁支過草料馬乾銀一千六百九十餘兩此項自應著追無可寬貸但川省兵丁非盡土著其脫逃者類皆外來隻身無所顧戀之輩遠竄日久查訊無蹤其當日管領之員弁又多更換難以責其追償徒滋營伍之擾著將此項銀兩開恩豁免以息追呼○十四年題准各省總督並兼提督銜之巡撫自乾隆十四年為始各將通省經制原額調撥裁汰安塘駐防缺額實在兵丁馬匹駝隻等項各總數目分析臚列開造冊首再行按照督撫提

鎮標營照前分析開造於後一樣造冊二本送部具題。遠省務於下年八月內拜本。近省務於下年九月內拜本。統限十月內到部。依限具題。○十五年覆准廣東馬價。因營中公費不足。每匹扣存三兩。補公費之所不足。應即照扣存之數。嗣後將價減去三兩。以十八兩九錢作為定價。報銷至公費別籌酌增。○又奏准廣西馬價。每匹減去三兩。以十七兩報銷。○十六年

諭滇省各營騎操馬匹。定例三年以外。准報倒十分之三。其額外溢倒之馬。從前該督提等。俱於朋扣等項

內通融買補並未著賠嗣後該督碩色查明奏聞仍請從寬免其賠椿經軍機大臣等議令照例按數賠補但念邊方水土餒養馬匹與他處情形不同歷來通融籌辦相沿已久今若復令賠補兵力未免拮据嗣後滇省馬匹除額定十分倒三按例分別年限著賠外其溢額倒斃馬匹著加恩免其賠補椿銀仍照從前通融辦理以示軫恤兵艱之意若兵弁等因有此旨或致餒養失宜溢倒過多者該督提等嚴行叅處○十七年

諭陝省今年被旱偏災米豆草束價值昂貴駐防滿兵

所領折支銀兩未免不敷購買。著將癸酉年春季分  
西安駐防應領折支米豆照原定每石一兩之數加  
給五錢草價加倍賞給。二十年議准營馬價值除  
直隸山東山西河南江蘇安徽江西陝西甘肅  
四川等省或僅在十兩以內。或據該督撫查覈  
實無浮冒。毋庸議減。福建酌減三兩。准以十九  
兩報銷。浙江減二兩。准以十四兩報銷。湖北湖  
南減一兩。准以十四兩報銷。廣東再減九錢。准  
以十八兩報銷。廣西再減一兩。准以十六兩報  
銷。雲南減三兩八錢。准以十八兩報銷。貴州減

二兩二錢二分有奇准以十八兩報銷。二十年

諭前因陝甘二省滿漢官兵採買撥解馬匹及各標營摘缺買補借動公帑若依限扣還兵力未免拮据降旨該督應作何展限加恩之處查明具奏今據黃廷桂奏陝甘二省滿漢各標營借墊未還銀三十五萬九千三百兩零其解送馬駝添補口食盤費等項除季餉坐扣外尚未還銀六十萬八千三百兩零等語此所奏借墊未完之三十五萬餘兩著加恩免扣以示優恤其坐扣未還之六十萬餘兩著酌量分別年

限按期展扣以紓兵力。○又

諭陝甘兩省挑解軍營馬匹所有摘缺應買補之馬定價不敷多借公項墊用分限扣還朕已降旨加恩矣直隸連年挑解馬匹各標營摘缺買補或亦有似此借墊者著方觀承即查明具奏其動項買補者不在此例。○又奏陝甘二省滿漢各營採買補缺馬匹借墊銀免其扣還其借送馬駝添補口食盤費坐扣未完銀分作六年扣還奉

諭六年尚覺限迫著寬至十年。○又

諭據劉統勳等奏山西大同鎮屬有因換回直省解陝

馬五百餘匹變價不敷買補以致挪墊公項等語此種墊項本應按款扣還但晉省連年挑解馬匹價值未免昂貴借墊買補自出實情若照數追扣兵力不無拮据著加恩於該鎮閒款地租銀內撥銀四千兩抵還墊項○二十六年議准陝甘標營馬匹收槽下

廠數目日期除延綏鎮標興漢鎮

尋改屬原甯無

廠地向不放廠外其餘各標營向例夏秋出廠冬春收槽今酌定安西提督肅州鎮冬春六箇月概以三分下廠陝甘二提督延綏鎮屬外路協營西甯涼州河州三鎮蘭州撫標及涼州莊



浪滿營亦冬春統以四分下廠惟西安甯夏滿營與陝甘督標撫標甯夏鎮屬暨陝西提督兼轄之西安城守營潼關協廠地窄狹水草亦遜他處此滿漢七營冬春定四箇月以四分下廠統計下廠日期數目分析覈算每歲可節省草料等項銀約九萬兩應歸裁減○三十五年覆准福建營馬自二十年議准就近採買土馬定價銀一十九兩今貴州等省辦理軍需仍循舊例赴口購買暫准每匹報銷銀二十二兩俟滇省軍務已竣赴鄰省採買時仍照奏定價值每

匹以十九兩報銷。三十八年奏准雲南省買補馬價向例每匹銀十八兩。嗣後每匹減銀三兩。准以十五兩報銷。四十二年

諭王進泰奏提標營領餽京馬一項。自乾隆二十八年至四十一年分歷任提督任內共陸續積存銀一萬四千四百餘兩。除前經奏明存留開設當舖銀六千兩。並留辦草料銀二千餘兩外。再留銀一千三百二十餘兩。添補每年豫買麪豆草束之需。下存銀五千兩。可否解交內務府廣儲司庫。或解交熱河道庫之處。伏候訓示等語。上。隸提標餽馬既有積存銀兩。其

督標各鎮領餵京馬是否如此辦理及有無銀兩積存。據實覆奏。至此項銀兩原係兵丁等分內應得之數。官為妥辦得有餘存。自應留該處量為滋生。期於兵丁有益。毋庸解交廣儲司及熱河道庫。其應作何經理妥善之處。著王進泰悉心詳議具奏。○五十三

年

諭魁倫奏稱福州滿兵甲缺除子嗣頂補外其未及歲與無嗣孤寡請裁圈內餵養馬六十四以其草料銀兩作為養贍之資等語。福州兵丁技藝平常雖養馬許多亦屬無用儘可裁馬六十四養贍孤寡著交魁

倫酌辨